

Kpiliba

Wúro naáru wɔɔjɔɔná, nge wɔɔgbɔɔ aláa ákoowú. Bujɔɔ né, nge waadási ikpɔɔ alú, nge aláa baaganáa waalízi ulé báǰááre, badánjaa alú umú idée tóm. Tɔɔ, badánjaa idée tóm bilé né, badánjaa si alú umú itekiná bedée nunyási yáa nabúru, ngú a baalá kíǰíim badánvaa yi. Alú ceení waabísi nyazi ivéyina naáru, iriké wánlám ku igíǰíim, iriké wéndǰi ku, iriké wánlám ku báa wé.

-Isɔɔ si ulá né, aláa ákoowú na naári bana baríja, naáru talúru. Nge wúro laakáari waagurú na idée aláa-dée kaaluruúti-dée tóm. Sáati kúim ge alifáa naáru wɔɔgóni téedi túm tudaá. Nge wúro woobó umɔɔná alifáa ití wentí tinjaari yi né iféeri alifáa. Nge alifáa sisí: umú wánbuzi ituú wúro-dée aláa faadinti, buka balúru. Faadinti túm aláa ríja wónnyɔɔ ku ti, naáru téngizí tidée nyóɔdi, ngú bedénbeim naáru.

Aláa bana baríja booyóɔzi bɔwe táa kúǰumɔɔ, amá bána tóɔɔɔ bevéyina ñmature.

Alifáa waalá faadinti buté né, nge wúro wɔɔgbɔɔ faadinti icéle idǰelú kúɔɔni, nge weevéeri yi sisí baríja bédǰiná faadinti túm, bilé né batara ti dǰeyí-dǰeyí. Nge alú kúɔɔni tanú bawaalú nɔɔ. Wɔɔgbɔɔ faadinti né, nge waadára icéle aláa baaganáa ríja, idatára ikpedina tóɔɔɔ.

Nge alú tóɔɔɔ sisí: “Ée, béere, wúro wɔɔdɔ ge sisí dǰitara faadinti, nyáadára njéle baaganáa, buga mós!” Nnaamú ge alú kúɔɔni woobúsi yi sisí: íbo ikɔɔɔzi bawaalú ikácáari umú. Buka wánlám alú kúmuú zaari sisí: “Óhoó, nyóɔ dɔdɔ nyóɔɔléé nlúru bú? lú yáa wé ge si nlúru ge nyánjaari uráa bilé tɔɔ, bó.”

Nge aláa ríja weegízi tóɔɔɔ faadinti fáa sisí: igée asúɔ. Nge alú ceení weedǰi suúru izumáa ibeéna we, buka wónjɔǰ we.

Faadinti túm, nuvoowú ge bannaǰ ti. Tɔɔ, a aláa bana baríja baanáǰ faadinti ge beedǰee, na ulé ikóni iyáali namire-dɔ unyóɔ buka beim bánmuǰé ulé buka bánlám yi zaari.

-Tɔɔ bujɔɔ-bujɔɔ né, nge aláa beim baríja baamu fúúzi bikpedina asúɔ. Nge baríja baalúru. Aláa ákoowú kuna kuríja naáru talúru urú. Naáru waalúru ajifóto, naáru cangbɔɔ, naáru dóm, naáru agáráma, naáru cáálíya na kpunáwá ndi-ndi. Sáati kúim nuǰási tabaasi tá asúɔ, iwe ibeéna maamáaci kpuná weená yóǰɔɔnunáa waalúru né. Nge ulaakáari waagurú, nge woogóti igbiná sisí: umú wéngbém idée na ikáluru. Nge waazúu wúro-jó ibóɔzi yi níbaáwu, nge wúro weegízi sisí: umú idée cé ge si ulúru, umú idafa níbaáwu sisí: íbo idée na ikáluru. Bilé né, báa we ge si ulúru, iluru umú idée, báa dóm yáa kamalaká yáa ajifóto, iluru bigbíǰe umú idée.

Wíre né, nge lurúu nuǰási waabáazi alú tóɔɔɔ weení baaganáa wánýaa asúɔ né, nge weedíri idée níba-jó si bókonti bebééǰ umú na ulúru, nge belé bɔɔgóni. Nge bɔɔgbɔɔ yi boboná álúrúsúru naáru-jó ulé ifa yi faadinti unyóɔ, nge waalúru bú abaalú kazɔɔ níni. Nge bɔɔgóni beféeri wúro sisí idǰelú

tóóróó waalúru, nge wúro sísti: urú ge ulé waalúru yáá kpíná weená baaganáa waalúru né. Nge beevéeri yi sísti: urú titiŋa ge waalúru, bú abaalú ge bigéé. Nna ge wúro sísti: “Toovonúm urú ge bigéé bika igéé abaalú? Nge bulá wúro níni.”

Tóó, aláa bana baríŋa bowe wúro-dée baa weení na ibú.

Wíre né, nge wúro sísti: wánlám idée aláa kujóowu káma baalúru yi bíya. Fudúu ge wúro si itára we bika fudúni tnm twnená yurá. Tóó, wúro-dée fóó waabá ge kóǵó, kándalú ce na kóbóyó. Bíya waabú cúko né, nge asúbo biyaalú waabáázi ujáa fóó laazi, adé ujaa si idéé fóó, asée woovu ujaa. Wánní wentí ujaa wánŋmatí né, bika inyí fudúu baa wenkí-dée yídé. Bú ceení waadála ǵaána né, nge weevéeri igoo sísti: Baabá waazí fudúu kogúlóna si itára mí, amáa, asée mídíli fudúni tnm tnyurá. Bilé né, a tééwu weevé, ménveerím nya tidée yurá yéndí-daá. Fudúu wenkí si nlizi kú né ge bánýaá sísti: kpiliba bilé né, foyóó-daá ge mánvulú, yéndi wentí si mavúlu né ndó:

Kpiliba fudúu-dée yídé.

Bánýaá kú ge sísti kpiliba

Bánýaá kú ge sísti kpiliba

Bánýaá kú sísti kpiliba

Bánýaá kú ge sísti kpiliba.

Tóó, buwíre waadála né, nge wúro ǵeelináa ríŋa woobó bawaalú-dée fóó-daá si bakámu bedée kujóóni. Nge wúro sísti fudúu kogúlóna ndó,weení waabízí iféeri ma fudúni wentí tne nína né tidée yurá né, wóngbowúu ku tiriŋa.

-Nge baabáázi bodé kúǵm-kúǵm kúbońdi-ro.

-Nge baajáa fudúni tnm tnyídé bawú. Sáati kum, asúbo biyaalú we ijóó tuwú-daá, nge waamá foyóó, foyóó-daá ge weevéeri igoo sísti fudúni tnm tnyídé ge kpiliba. Tóó, alú asúbo waadilí iyáa fudúni tnm tnyídé né, nge bulá wúro bíti, sísti: alú ceení waalá ŋjini ge waadilí, nge sísti lsóó wóǵó.

-Aláa baaganáa waana bilé né, nge beeyée baaná bokóti bakpíná bekpé bajaanáa-dée.

Tóó, wenbí lsóó wóǵóólí bi né, baa urú weeyéeri bi, yém ge. Alú weení uráa weegízi yi né, ulé ge lsóó wóǵóólí.

-lsóó ífá ǵaa idée soolím. Amí.

Bilé burózi né, a míwe, baa nyégée wé, nkeyéeri nyaráwu.